

Rome (avant juillet) 1600. *Franciscus, comes S. Georg
et Blandraff
Ep. Aequi*

Prodiit liber de potestate Summi Pontificis Alexandro Carerio auctore, nomini tuo, Amplissime Cardinalis, inscriptus. Quia vero qui male agit odit lucem, publicum fugitans in latebris latitabat, ut vix tandem diu multumque a me quaesitum inveniri potuerit. Repertum ⁵ volumen quam diligenter quaesieram, tam avide perlegi; sed cum sperarem librum de potestate Pontificis maximi ad Cardinalem, eumque legatum Sedis Apostolicae, scriptum totum versari in tuenda atque ornanda Summi Pontificis ordinisque amplissimi dignitate, nihil minus inveni; ut statim mirari desierim, cur liber ille conspectum hominum, quasi male sibi conscius, tanto studio declinaret. Animadverti ¹⁰ librum furtis, maledictis, erroribus, inscitia, barbarie, temeritate scatere. Quare, Princeps Illustrissime, ne forte gravissimis semper negotiis impeditus, libri evolvendi ocium non haberes, gratum me tibi facturum existimavi, si ea quae in hoc libro contineri dixi, ¹⁵ brevi lucubratiuncula comprehenderem. Sic enim intelliges, et quanti Carerii donum facere, et quam ei mercedem rependere debeas.....
..... Quae si Carerius et Carerii similes considerarent, et sanctorum Patrum sobrietatem imitarentur, neque potestatem ecclesiasticam odiosam principibus mundi redderent, neque ineptis argumentis opiniones suas ²⁰ probando, dogmata catholica suspecta levitatis apud haereticos facerent, neque bella intestina cum fratribus non sine ingenti scandalo susciperent.

Haec tibi, Cardinalis optime, de Carerii libro scribenda hoc tempore existimavi, paucis quidem, ne te Reipublicae negotiis impeditum ²⁵ nimis gravarem, sed non ita paucis, ut ad retundendam temeritatem Carerii non sufficiat. Vale, et me tibi ex animo addictissimum, et a Deo bona omnia precantem, ama.

F. B., 31 fol.186. Epistola apologetica Roberti Card. Bellarmini... ad Franciscum Card^{lem} S. Clementis adversus temeritatem et errores Alexandri Carerii Patavini. Autogr. - Copies diverses ³⁰

Inta epistola Auctor 426-435!